



Áætlun Faxaflóahafna sf. um móttöku og meðhöndlun úrgangs og farmleifa

Faxaflóahafnir sf. fylgja samþykktri umhverfisstefnu og er skilvirk og ábyrg móttaka á úrgangi frá skipum einn þeirra þátta sem áhersla er lögð á. Áætlun þessi gildir í samræmi við reglugerð nr. 1200 frá 2014, um öll íslensk skip og um öll önnur skip sem koma til hafnar hjá Faxaflóahöfnum sf., að undanskildum erlendum herskipum, hjálparskipum í flota eða öðrum skipum í ríkiseign eða ríkisrekstri sem um stundarsakir eru nýtt í þágu hins opinbera til annars en viðskipta.

Grundvöllur áætlunarinnar eru lög um varnir gegn mengun hafs og stranda nr. 33 frá 2004, með síðari breytingum, ásamt tilheyrandi reglugerðum nr. 1200 frá 2014 um móttöku á úrgangi og farmleifum frá skipum og nr. 1201 frá 2014 um gjaltdöku í höfnum vegna losunar, móttöku, meðhöndlunar og förgunar úrgangs og farmleifa frá skipum. Lög um meðhöndlun úrgangs nr. 55 frá 2003 auk tilheyrandi reglugerðar nr. 737 frá 2003 um meðhöndlun úrgangs með breytingu nr. 969 frá 2014, reglugerð nr. 806 frá 1999 um spilliefni með breytingu nr. 169 frá 2002, auk reglugerðar nr. 809 frá 1999 um olíuúrgang með breytingu nr. 673 frá 2011. Einnig MARPOL-samningurinn um varnir gegn mengun sjávar frá skipum frá árinu 1973 ásamt bókun frá árinu 1978 (MARPOL 73/78) með tilheyrandi reglugerð nr. 586 frá 2017 um innleiðingu viðauka við alþjóðasamning um varnir gegn mengun frá skipum, 1973, með breytingum samkvæmt bókun 1978 (MARPOL-samningur).

1. Öll skip, að undanskildum fiskiskipum, skemmtibátum sem ekki mega flytja fleiri en 12 farþega, herskipum, hjálparskipum í flota, skipum sem þjónusta fiskeldi og skipum í ríkiseign eða ríkisrekstri sem nýtt eru í þágu hins opinbera, sem koma til hafnar skulu greiða úrgangsgjald og förgunargjald samkvæmt gjaldskrá Faxaflóahafna sf.. Úrgangsgjald má lækka ef umhverfisstjórnun, hönnun, búnaður og starfræksla skips er með þeim hætti að skipstjóri geti sýnt fram á að minni úrgangur verði til um borð.
2. Skipstjóri skips, sem er á leið til hafnar en er hvorki fiskiskip né skemmtibátur sem ekki má flytja fleiri en 12 farþega, ber ábyrgð á að tilkynning um úrgang og farmleifar í skipum, sé fyllt út með réttum upplýsingum og komið til viðkomandi hafnaryfirvalda:
 - a. með 24 klukkustunda fyrirvara áður en komið er til hafnar ef viðkomuhöfn er þekkt; eða
 - b. um leið og viðkomuhöfn er ákveðin ef 24 klukkustunda fyrirvari næst ekki; eða
 - c. áður en lagt er úr fyrri höfn ef sjóferðin er skemmri en 24 klukkustundir.

Útfyllt tilkynning um úrgang og farmleifar í skipum skal geymd um borð í skipi þar til komið er til viðkomuhafnar.

Í framhaldi af móttöku úrgangsins er förgunargjald úrgangs gert upp samkvæmt gjaldskrá Faxaflóahafna sf.. Þjónustuverktaki Faxaflóahafna fyllir þá út móttökueyðublað og gefur skipstjóra sem kvittum fyrir móttöku úrgangs.


Skipstjóri eða eigandi skips sem óskar eftir að láta á land sorp, farmleifar, olíuleifar eða mengandi efni getur á sinn kostnað óskað eftir aðstoð viðurkennds þjónustuaðila, sem höfnin hefur samþykkt að annist móttöku og ráðstöfun á ofangreindum úrgangi frá skipum á hafnarsvæði hafnarinnar. Skipstjóri, eigandi skips eða þjónustuaðili skal þá undantekningalaust skila útfylltu eyðublaði til hafnarinnar um magn og tegund þess úrgangs



sem skilað er á land innan 48 klst. frá brottför skips og mun þá fá förgunargjaldið endurgreitt. Misbrestur á upplýsingagjöf getur leitt til tilkynningar til Umhverfisstofnunar.

3. Skip í áætlunarsiglingum, sem hafa reglulega viðkomu hjá Faxafóahöfnum sf., og hafa heimild frá Umhverfistofnun um undanþágu á skuldbindingum um tilkynningar, skil og gjaldtöku enda sé fyrir hendi hjá eigendum, umboðsmönnum eða rekstraraðilum skips fyrirkomulag sem tryggir afhendingu úrgangs. Þessir aðilar skulu afhenda Faxaflóahöfnum sf. í júní og janúar ár hvert upplýsingar um magn úrgangs sem tekið hefur verið á land hjá Faxaflóahöfnum sf. og með hvaða hætti staðið hefur verið að ráðstöfun hans.
4. Umboðsmenn skipa sem falla ekki undir 2. tl. skulu ábyrgast að viðkomandi skip skili úrgangi til viðurkenndrar móttökustöðvar og sjá til þess að upplýsingar um magn úrgangs sem tekið hefur verið á land skili sér til Faxaflóahafna sf. eigi síðar en við brottför skips.
5. Skipstjóri annarra skipa en getið er um í 2. og 3. tl. ber ábyrgð á því að úrgangi frá skipinu sé skilað í móttökuaðstöðu áður en látið er úr höfn og að upplýsingum um magn móttekins úrgangs sé skilað til Faxaflóahafna sf.
6. Olíuúrgang og hættulegum efnum skulu öll skip undantekningalaust skila til viðurkennds móttökuaðila og ber skipstjóri skips ábyrgð á því að svo sé gert. Á hafnarsvæðum Faxaflóahafna sf. er, í Reykjavík og á Akranesi, aðstaða til að minniháttar losunar á olíuúrgangi frá smábátum. Ef um mikið magn er að ræða skal skipstjóri óska eftir aðstoð viðurkenndra verktaka. Í þeim tilvikum skal Faxaflóahöfnum sf. skilað yfirliti yfir það magn olíuúrgangs sem losuð er til förgunar.
7. Þörf á aðstöðu fyrir móttoku á úrgangi hjá Faxaflóahöfnum sf. er metin út frá reynslu áranna 2008 - 2017 og aðstaða í samræmi við þær þarfir sem þekktar eru á þeim tíma. Þjónusta við skip og útgerðir er í höndum hafnarstarfsmanna eftir því sem við á, en annars í höndum eigenda skipa og farmflytjenda. Staðsetning móttökustöðva og stærð íláta koma fram á sérstöku fylgiblaði. Faxaflóahafnir hafa að jafnaði á síðustu árum tekið á móti í móttökustöðvunum um 21 tonni af úrgangi frá smábátum í Reykjavík, 16 tonnum af úrgangi frá smábátum á Akranesi. Ekki er gert ráð fyrir neinni formeðferð á úrgangi á hafnarsvæðum Faxaflóahafna. Stuðst er við þjónustu viðurkenndra móttoku- og förgunaraðila á úrgangi.
8. Eftirtaldir þjónustuaðilar hafa starfsleyfi fyrir móttoku á úrgangi á starfsvæði Faxaflóahafna sf.:

Gámaþjónustan, Berghellu 1, Hafnarfirði	sími 5352500
Hreinsitækni, Stórhöfða 37, Reykjavík	sími 5677090
Hringrás, Klettagörðum 9, Reykjavík	sími 5501900
Íslenska gámafélagið, Gufunesvegi, Reykjavík	sími 5775757
Skipaþjónusta Íslands, Grandagarði 18, Reykjavík	sími 5617580
Gámaþjónusta Vesturlands Höfðaseli 15, Akranesi	sími 4350000
Íslenska gámafélagið á Vesturlandi, Akranesi	sími 5775757



9. Úrgangi er skipt upp í sex meginflokkur. Úrgangsflokkar eru byggðir á þeim flokkum sem skilgreindir eru í viðauka MARPOL-samningsins. Flokkunin, aðferðir við móttöku, ráðstöfun og fyrirkomulag greiðslna koma fram í sérstöku fylgiblaði - Úrgangsflokkar.

Á árinu 2017 var tekið á móti eftirtoldu magni úrgangs í einstökum flokkum:

	Reykjavík	Akranes	Grundartangi	Borgarnes
Flokkur I	2.067m ³		29m ³	
Flokkur II				
Flokkur III	14m ³			
Flokkur IV				
Flokkur V	5.610m ³	356m ³	286m ³	
Flokkur VI				


Faxaflóahafnir sf. halda utan um, í gagnagrunni, allar tilkynningar um úrgang og farmleifar sem berast frá skipum sem koma til hafnar. Sé losun áætluð er, eftir brottför skips, kallað eftir upplýsingum frá þjónustuaðila um raunverulegt magn losunar úrgangs frá skipi og það borið saman við áætlaða losun. Séu veruleg frávik frá áætlaðri losun þarf útgerð skips að gera sérstaka grein fyrir þeim. Allar upplýsingar um áætlaða losun og raunverulegt magn eru afhentar Umhverfisstofnun í árlegri skýrslu.

10. Telji skipstjóri, eigandi eða umboðsmaður skips fyrirkomulag við móttöku úrgangs ófullnægjandi ber honum að tilkynna hafnaryfirvöldum það á þar til gerðu eyðublaði. Telji viðkomandi umkvörtunarefninum vera þess eðlis að vekja þurfi athygli umhverfisyfirvalda á því, ber honum að senda Umhverfisstofnun afrit af skýrslunni. Ábendingum um ófullnægjandi móttökuaðstöðu í höfnum má koma á framfæri við Umhverfistofnun með því að fylla út þar til gert eyðublað á heimasíðu stofnunarinnar:
<https://ust.is/atvinnulif/haf-og-vatn/mengun-fra-skipum/#Tab4>
11. Faxaflóahafnir sf. halda árlegan fund með viðskiptavinum sínum. Á þeim fundum skapast vettvangur fyrir samráð um framkvæmd þessarar áætlunar.
12. Þessi áætlun Faxaflóahafna sf. um móttöku og meðhöndlun úrgangs og framleifa skal koma til endurskoðunar komi til meiri háttar breytinga á rekstri hafnarinnar eða þeim lögum og reglugerðum sem málefnið varða. Slík endurskoðun skal þó fara fram ekki síðar en á árinu 2021.
13. Hafnarstjóri Faxaflóahafna sf. ber ábyrgð á fyrirkomulagi móttöku úrgangs og farmleifa hjá Faxaflóahöfnum sf.. Starfsmenn hafnarþjónustu annast daglegan rekstur móttökunnar og annast samskipti við skipstjóra og eigendur eða umboðsmenn skipa.


Reykjavík desember 2018

Gísli Gíslason, hafnarstjóri

Sigríður Kára
UMHVERFISSTOFNUN
 Suðurlandsbraut 24 - 108 Reykjavík
 Sími 591-2000 - Fax 591-2010
 Kt. 701002-2880



Yfirlit yfir staðsetningu móttökustöðva á vegum Faxaflóahafna.




Reykjavík – móttökustöðvar á minniháttar olíuúrgangi og sorpi frá smábátum.

Við Norðurbugt eru eftirtalin ílát í skápur:

- Olíugeymir, 800 lítrar fyrir úrgangsþolíu
- 240 lítra tunna fyrir olíumenguðan úrgang, tvist og tuskur

Gámuður fyrir blandaðan úrgang, 8 rúmmetrar á Bótarbryggju



Akranes – móttökustöðvar á minniháttar olíuúrgangi og sorpi

Gámur fyrir blandaðan úrgang, 8 rúmmetrar, við Bátabryggju

Gámur fyrir blandaðan úrgang, 8 rúmmetrar, á enda Aðalhafnargarðs


Við Bátabryggju er spilliefnagámur með eftirtoldum ílátum:

- Olíugeymir, 1100 lítrar fyrir úrgangsoliú
- 400 lítra kar fyrir rafgeyma og raftæki
- 600 lítra kar fyrir málningardósir, leysiefni og úðabréða
- 600 lítra kar fyrir olíusíur og úðabréða
- 240 lítra tunna fyrir olíumenguðan úrgang, tvist og tuskur



Faxaflóahafnir sf
Associated
Icelandic
Ports


Reykjavík
Grundartangi
Akranes
Borgarnes



Grundartangi – móttökustöð á spilliefnum frá skipum

Við færibandagang er spilliefnagámur með eftirtoldum ílátum:

- 400 lítra kar fyrir rafgeyma og raftæki
- 600 lítra kar fyrir málningardósir, leysiefni og úðabrusa
- 600 lítra kar fyrir olíusíur og úðabrusa



Borgarnes – einungis sumarviðlega fyrir innan við tíu smábáta

Tvær tunnar fyrir blandaðan úrgang, 240 lítrar hvor, við ljósastaur á bryggju